

惠公禪師年譜

趙恒慧敬題



惠公禪學叢書之五

惠公年譜

蘇氏學

PDG

惠公禪師年譜

問者：孫陳

果果

祥堂

答者：釋

惠

光

記錄者：孫

法果

祥棠

編輯者：張

法

棠棠

校對者：李

瑞介

榮福

倡印者：釋

常

淨

印送處：屏東市民學路五八巷

八弄一五號

鐵爐寺

電話：(〇八)

七二二六二八八

印刷者：東陽美術印刷廠

地址：屏東廣東路四六八巷十號

電話：(〇八)

七三七二九八九

讀者注意

普陀印光法師曰：「一切佛經，及闡揚佛之諸書，無不令人趨吉避凶，改過遷善，明三世之因果，識本具之佛性，出生死苦海之寶筏，生極樂蓮邦之慈航；讀者，必須生感恩心，作難逢想！淨手潔案，主敬存誠，如面佛天，如臨師保，則無邊利益自可親得；若肆無忌憚，任意褻黷，及固執管見，妄生謗毀者，則罪過彌天，若報無盡矣！倘鑑愚誠，則君幸甚。」

佛曆二五〇五年辛丑八月十五日 劉法芳

劉氏
法芳

敬錄

戒為基礎

永明禪師垂戒篇 扶振宗風

若不戒淫，則斷一切清淨種；若不戒盜，則斷一切福德種；
若不戒肉，則斷一切慈悲種；若不戒妄，則斷一切實信種；
若不戒酒，則斷一切智慧種；若不明心，則斷一切佛性種；
三世諸佛同口敷宣，天下禪宗一音演暢，如何後學畧不聽從
呀!?自毀正因，反成魔說！

弟子 劉法芳 敬錄



函 序

法涵老居士道鑒：惠公吾師年譜略成，敬請老人以序之而作紀念；師尊壽踰古稀漸登耄耋，年高德邵駐錫臺基，身體少安動靜非便，近聞師謂余曰：「海風所至氣象有關，抵臺以還日常感冒，如此風前殘燭歲力就衰！倘忽無常到來年華至暮矣！」徒等聞之心驚意駭！猶恐旦夕難保，吾師生平事蹟未盡聞知，雖然宗錄、指南等書早已具載，或有驚人動衆等事未便示人，是故詳問細錄編成一冊年譜，六萬餘言流通問世，令我等聞所未聞悟所未悟；更有平常消息不肯透露底，再三懇請，以俾後人自益利他，永作模範標榜而遵師命實行，忽而澈底神悟者，大有人在；又恐吾師更有許多忘記不得而聞之者！郭老隨師有年，敬乞儘公所記憶者，請於序中透露消息，作一整個記錄而補充說明爲幸，深感銘謝耑奉法安；弟孫果祥、陳果堂、張瑞棠等謹啓合十，民四九年五月日。

序

佛法高深禪爲根本，世尊成道澈悟心源，說法有年談經多會，最後迦葉得佛衣鉢眞傳，繼授阿難展轉傳廿八代，達磨東渡慧可南來，如是因緣單傳六世，慧能神秀頓漸南北始分，五葉齊開一花次第而發，惟臨濟道天下恒傳，五一兒孫繼承宗旨；人能宏道非道宏人，吾師惠公童眞入佛正信出家，淨土禪宗一爐鎔化，宏宗演教律密同修，念佛參禪淺深共紹，宗門講錄、禪學指南五集叢書流通問世，自他俱利婆心過切之宗師，今古同風萬世流芳之慈父；師生清季戊子訖至民國戊申，年邁耄耄道高德邵，期中詳細事實盡人所知者徒等錄之，吾從恩師有年盡已所記者亦同報告；果祥果堂所問而記錄者毫沒錯訛，法涵所知以序通者全盤眞實，正宗臨濟五一承傳，自儼然而星沙，從妙華而明印，得法師證悟道心明，其來函請余序之吾應命望爲斧正；雖謂道不在言詮無言詮而不顯道；總之：隻身無影同像徧空，恩師乃沒頂之峰，弟子亦無根之樹，函蓋相合無欠無餘，魚目混珠非同非異，雖六萬言本無一字，經八十載瞬眼刹那，橫徧十方豎窮三際，民四九年中秋日，道吾門下星沙弟子郭法涵恭序於香海法林



惠公年譜

弟子

孫果祥 紀錄
陳果堂 編輯
張瑞棠

師俗世居湘潭縣西石潭鄉之文家灘北坵國芳堂李氏，爲國芳公之第五代孫；先父宗博，號煦仁；先母許氏，幼號貞秀，學名君秀，乃許公竹筠之第三女；家學淵源博通經史，婚後，先父就其補習；至年不惑常憂無嗣，光緒戊子二月十九日齋戒沐浴，同詣鄰縣之湘鄉儼然山圓通寺進香求嗣，慨捐功德修理殿堂；及歸，果見虔誠有感，是夕同床一夢：見一白髯老僧人頂有圓光，跨鶴而來，入其室，忽然不見！是時同醒而互相告知！母覺有娠心生歡喜；是年臘月廿二日午後三時許，有老和尚自外而來，意投借宿，先父見其貌似與夢中所覩者無異！問之不答，入室勿見，衆悉驚駭！是夜亥初慈母果生一男，當時鄰居觀其屋頂有光！皆疑而奔至，始悉室內臨產，異香撲鼻，衆悉歡忻而散，卽師之出世因緣也。

◎清季光緒十四（一八八八）年戊子臘月廿二日是爲一歲

翌日賀喜贈禮者紛紛而至，家人忙忙多日，素席筵賓；慈母爲師命名字家桃，號鶴松；師初生時奄奄一息，不喫母乳，慈母以爲嬰兒之常事，久後始悉有病

而且重，明醫探脈則默然辭去。

嚴父親往儼然山謝香上供，祈禱觀音菩薩慈光加佑，始聞該寺九一高齡的淨白老和尚與師生同日午後未初示寂！觀其影像及其龕內槃坐之肉身像確與夢中所見之僧相無異，然知師乃和尚轉生者無疑；既歸，述其實事，衆悉歡駭！嚴父記載於家譜，留傳後世家有學佛者而紀念之。

是年八月初五日，高祖國芳奏上辭職告老歸籍；月之廿五日始抵家鄉，次歲末秋建築新屋。

是年大事：天津大沽鐵道成。中、法、滇、越境界電信條約成。

◎光緒十五（一八八九）年己丑兩歲

是年八月十五日高祖國芳九二壽齡，奉頒百齡功臣告老還鄉之旨；因其早歲皈依三寶，是故長素念佛；九月吉日開始建築新屋，廳堂五進四橫，房屋參佰餘間，命名國芳堂，次年三月僅一部份房屋告成。

師既生，不食母乳！日以豆、米調漿和糖代乳哺之度日，病危奄奄！明醫入診拱手而出，慈母千方萬計療治皆悉罔效！悠悠度日又過一年。

是年大事：日本公佈憲法，張之洞奏辦蘆漢鐵路。

◎光緒十六（一八九〇）年庚寅三歲。

是年四月瀏陽西鄉一部份家族移回湘潭原籍，是月七日嚴父宗博奉景澄公命北上京師，八月廿八日領命任知宜春縣。七月初旬新屋全部完成，五房合一全家共享，鐘鳴鼎食長幼同歡；八月十五日國芳公九三壽辰，賓鴻數百盈庭滿座享以素筵；九月十九日慈母代師許愿，出俗三年佛前祀奉。

是年大事：中、英、藏、印條約成。

◎光緒十七（一八九一）年辛卯四歲

是年師病漸輕，二月十九日慈母爲師始念觀音菩薩聖號，師亦隨母學念，梅兄讀書師亦學讀，見人講話師亦學語，因是慈母教師讀書：三字經、百家姓、增廣、雜字、千家詩、千字文、上論、下論、普門品經等兩年讀完；是故時人喚師名神童；梅哥教師讀詩寫字，叔父教師念佛打坐，能雙槃坐，但不能行走，至五歲的四月間漸能移步。

是年大事：哥老會焚燬蘇、皖各處教堂。

◎光緒十八（一八九二）年壬辰五歲

是年二月十九日慈母携師乘輿往儼然山觀音座前還香，因是本日母子一同皈

依該寺住持超靜老和尚（秀才出家），賜師法名慧（惠）光，派名明照——慈母與叔父等當師三歲的五月間，因長沙壽一老和尚來訪高祖國芳公，入佛機緣成熟，高祖命彼等皈依壽老，叔父法名妙果，派名仁證；慈母法名妙淨，派號仁慈；此次慈母因導師入佛，故隨喜皈依——超師忽以神秘之語問師曰：「定中聞神報，淨白歸來乎？汝猶記得回山事否？」師亦不知忽然答曰：「昨夜夢回山，今見山如故」超公知其確實故未多問，向師慈母曰：「此子宜長素，教他常念『觀音菩薩』，母為助念，病可全癒，否則命似懸絲！」等語；午後辭歸長素，祖母趙氏曰：「小孩病弱，榮養毫無，焉能喫素？只可多多補養。」是故未遵超命，但常念觀音聖號，病始漸癒；廿餘日後舊病忽發，大燒大熱旦夕難安！慈母愴悲失計慘哭動天！閤家聞之以為師命盡矣！都來勸慰而亦各各淚下如雨，祖母探師鼻息奄奄，高祖聞知急來念佛持咒，家有醫師亦無法使用，衆悉勸母誠心懇念觀音聖號；母憶超師之囑悔未茹素！懇切懺悔誠念『南無觀世音菩薩』朝夕如斯，是夜師夢見一白髮老翁以瓶水灌飲之，忽然通身猛汗如洗！內覺清涼，慈母醒而探師衣濕，師亦忽醒，告知夢事，慈母知是觀音菩薩感應神救！急起與師換衣，焚香拜佛；次日午前忽外來一位賣藥的醫師施診數日辭去，一月之內病體全癒；慈母默

云「莫是菩薩化身而來治病乎！？」嗣後母子長素，閤家全體亦長素念佛者多，此是一段奇怪因緣。

是年大事：中、俄邊界陸路電線相接條約成。頤和園建成。

◎光緒十九（一八九三）年癸巳六歲

是年十月師能大步飛行；四月慈母教師千家詩、唐詩等等；八月十五日高祖九六壽齡，師占七絕一首曰：

「年年八月月圓圓 笑倒池中白葉蓮

寄語山家寒谷子 登高一望水連天」

慈母爲改一字「笑倒池中『沒』葉蓮」。九月景澄公奏調嚴父知彭澤縣令。是年大事：中與英訂藏、印條約補遺條款成。北京，三海關間鐵路成。令弛海禁。法人佔渭公河岸地。

◎光緒二十（一八九四）年甲午七歲

是年正月十九日慈母送師上儼然山超師躬前啓蒙就讀，借此機緣出家三年祀奉佛前香燈，命老羅智才同住寺中招扶一切，三年滿後同回。

是年大事：中與英續訂滇緬境界及通商條約成。與日開戰失敗。孫中山

先生創興中會於檀香山。

◎光緒廿一（一八九五）年乙未八歲

是年八月二師兄慧徹命師兼讀五堂功課，大師兄慧悟教師學習禪應經懺、打唱、讚辭、科書等等，心大歡喜！數月之久概已學完。

是年大事：興中會幹部正式成立於香港，與日議和，訂立馬關條約，臺海宣布獨立，中法通商條約成。

◎光緒廿二（一八九六）年丙申九歲

是年九月嚴父彭澤任滿，旋於湖口縣上鐘山石鐘寺皈依智通長老，法名涵仁，派號能煦，是冬於上海納妾金氏名玉娥，同居山下涵仁小舍，臘底偕歸故鄉，寄居儼然山下庄屋內，間常登山焚香禮佛；師回告知其母，母勸嚴父偕歸同住喜慶歡祥，未果，次歲正月慧悟師兄命師兼讀佛經，鍊習唱念等等，師讀佛經更易曉暢而能通義。

是年大事：與俄締喀西尼條約，設立郵政，張之洞設自強學會，孫中山先生倫敦蒙難！時務報創刊，與華俄道勝銀行訂東清鐵路公司合同，設鐵路總公司。

◎光緒廿三（一八九七）年丁酉十歲

是年二月嚴父偕玉娥同返湖口涵仁小舍住居，九月廿七日玉娥忽罹急症，數日之久謝世！慈母聞知嘆自無德，嚴父痛失所愛，哀傷無已！幸其學佛心切，發願離塵，代兒祝染，函囑勿令孩兒出家，愚父代之矣。

是年大事：清、英續議緬甸界址修正條約成，與法立約，允不割讓瓊州島於他國。德佔膠州灣。

◎光緒廿四（一八九八）年戊戌十一歲

是年正月十五日嚴父祝髮於上鐘山石鐘寺，法名派號均未更改，別號祝峰，四月寶華具戒，堅持戒德，專研臺宗，念佛參禪精勤不懈，常參卽心卽佛之禪，後悟非心非佛之旨，師到四月五經四書等籍概已讀完，梵網、四分、毘尼等經亦已讀畢。八月十五日，高祖國芳瑞齡百一，貴紳滿座百席素筵。

是年大事：孫中山先生確定三民主義，設經濟特科，開辦師大學堂，德租膠州灣，俄租旅順口、大連灣，英租九龍、威海衛，西太后受舊黨慫恿，囚帝於瀛臺。

◎光緒廿五（一八九九）年己亥十二歲

是年正月師因早聞嚴父剃染於湖口縣上鍾山石鍾寺，故有出塵之志累請於超師未果，旋請於母，其母因存獨子兩房之心，光前裕後之念，故不許可，數日之後又請於叔父煦堃已多次，均未許可，意欲私自遠遊，猶恐不遂，只得誠心懇念觀音聖號，十餘日後，茲因堃叔早蓄出塵之念常遊寺院，親近其師祖壽一長老有年，詳思細考而敬懇慈母曰：「假若惠光小時大病死了，今有孩子得見乎？您是真實信徒，不想當初誠心感應？況且一子出家九族超昇！況其又是儼然山和尚轉胎而來，自有歸山之志！否則一息不還，或私自離俗永不見面，若能許可出家，往後母子仍可相見，每歲歸省父母而能送老西歸！請您多多考慮而深細察之云云」；十餘日內慈母反復思量，竟然考察明白了，始許惠光出家，斯乃叔父之無量功德多方解喻而成者，而慈母已是佛門之正信聖智，故有今日放子出家之良好機緣。

三月廿二日師奉母命離俗；慈母問其叔曰：「然則往何處出家爲好呢？」叔答：「當往儼然山爲最合宜，請您放心」慈母卽奉函超師交叔帶去；師卽拜別慈母隨叔出門後，乘輿直往湘潭縣，經海會寺一宿，許多老和尚命師拜師，師曰：「命聽叔父。」次日乘船到長沙，又乘土車直抵東鄉鐵爐寺，四月八日佛前落髮禮妙華老和尚爲師；師兄復荃、復凱，華公賜師法名復定，派號聖如，師心歡喜

無量；圓明老師兄教師出家禮貌等等，深深感謝老師兄，是乃吾師出家一段良好因緣也。

是年大事：法租廣州灣，美發表中國門戶開放宣言，第一次萬國和平會議開會於海牙。

◎光緒廿六（一九〇〇）年庚子十三歲

是年四月初一日開始讀經。初八日堃叔授師先天大道，數月之後知非盡捨，十月忽聞外祖景澄公被戮，心駭意驚數日未食！華公命師與其堃叔、師兄等誦經禮懺超薦三天，其四舅金山等亦來寺拈香設拜。

是年大事：義和團叛起，燒教堂、殺牧師不記其數！因是不久八國聯軍淪陷天津、北京等處，太后挾帝奔西安。

◎光緒廿七（一九〇一）年辛丑十四歲

是年三月華公授師禪旨，命參「一歸何處」公案，師亦矢志精參，初坐參時惛惛寂寂，後漸輕安而稍相應，不敢懈怠，是師學禪之始。

是年大事：與聯軍各國議和成，下詔變法，改總理各國事務衙門爲外務部，太后及帝歸京。

◎光緒廿八（一九〇二）年壬寅十五歲

是年正月十五日塋叔落髮，禮其師公壽一老和尚靈下爲徒，法名妙果，派號仁證，二月八日上林寺具戒，念佛參禪，專精戒德。二月十九日高祖國芳西歸！住壽百零五歲，師與師叔均未知悉，三月超公來函命師回山補讀，亦免慈母念子之憂！函曰：

「惠光知之：汝母愛兒心篤！自汝出俗已還四閱寒暑矣！汝母登山七次未覩汝面，來函八件囑愚師探詢，汝之高祖去世亦無處通音，愚今發信十餘通，郵遞本邑之褒忠山、第一山、雲門寺；湘潭之海會寺、城隍廟、竹林庵；衡陽之羅漢寺、華葉寺、鴈峰寺；南嶽之清涼寺、祝聖寺、大善寺、上封寺；長沙之開福寺、上林寺等，拜託各公及同參道友等，如有獲其消息，或知汝於某寺落髮、或受戒等者，敬乞各公通信告知其母，請函遞湘潭文家灘李家新屋國芳堂妙淨居士查收便是，或請直送回家等者，自當深深感謝；倘其叔父煦塋或惠光本人收得此信者，望汝與叔疾速回家省親一轉及回山加讀，俾汝母與愚師三方見面皆大歡喜，彼此猶若放落千斤重擔矣！否則，難免汝母向愚師官庭伸訴猶難解決，反恩爲讐感情傷壞，雙方不美，是汝之過也，愚師不奈其何矣！望汝早歸深深感激，祝汝